

## **E'tk'ked ee'jj 2018 Demokratiapä'lk'kõõzz vuäžžai – tee'mmen demokratia- da ooumažvuõiggâdvuõttšõddeem**

Vuõiggâdvuõttministeria ee'jj 2018 Demokratiapä'lk'kõõzz tee'mmen lij demokratia- da ooumažvuõiggâdvuõttšõddeem. 10 000 eeu'r ärvvsaž pä'lk'kõs vuei'tet miõttâd meerlažõhttsažkää'dd vōboršek tuâimmjeeja le'be tōt vuei'tet jue'k'ked mue'dd tuâimmjeei kōõsk. E'tk'kõõzz pä'lk'kõõzz vuäžžjen vuäitt tuejjeed 20. pä'rğğmannu räija.

Demokratiapä'lk'kõõzzin haa'leet kaggâd ou'dde da jue'k'ked meerlažõhttsažkää'dd pue'rr vue'jjid demokratia- da ooumažvuõiggâdvuõttšõddeem oudâsviikkâm diõtt. Pä'lk'kõõzzin haa'leet seamma poodd spä'ssbõõššâd demokratia- da ooumažvuõiggâdvuõttšõddeem pirr reâuggi tuâimmjeejid.

Pä'lk'kõõzz vuäžžjen e'tk'kuum tâimm'mõš vuäitt lee'd ouddmeârkkân nâkam škooultõõzz, šõddeem le'be teâdtõõzz, kää'tt kiččlââtt u'vdded oummid vaalmâšvuõdid oudâs viikkâd jiiijâs fi'ttjõõzzid da tuâimmjemvue'jjid ooumažvuõiggâdvuõttpositiivlaž kulttuur nââneem diõtt. Tōt vuäitt kiččlâ'tted še u'vdded oummid vaalmâšvuõdid ââ'nned da peâlšted demokraatlaž vuõiggâdvuõđeez da vasttõõzzeez õhttsažkää'ddest mäñghâmmsažvuõđ äärv uu'dee'l.

Pä'lk'kõõzz vuäžžjid vaalše vaalšeei, koozz ko'lle preside'ntt **Tarja Halonen** di professor **Arto Kallioniemi** He'lsen pââmõs-škoolâst. Pä'lk'kõs jue'jjet vä'lddkääddlaž Demokratiapeei'v õhttvuõđâst 9. kâlgmannu.

E'tk'kõõzz pä'lk'kõõzz vuäžžjest vää'ldet vuâstta 18.6.-20.8. liädglânji addrõõzzâst [www.otakantaa.fi/fi/hankkeet/247/](http://www.otakantaa.fi/fi/hankkeet/247/) da pää'st mie'ldd addrõõzzâst Oikeusministeriö/kirjaamo, PL 25, 00023 Valtioneuvosto (käyntiosoite Ritarikatu 2 B, Helsinki).

Vuõiggâdvuõttministeria Demokratiapä'lk'kõs jue'jjet ââ'n viidad vuâra. Tân ee'jj vuõiggâdvuõttministeria õhttsažtuejittaaurõššân liâ mätt'tõs- da kulttuurministeria, Valdia nuõrisuâvtõs, Mätt'tõshalltõs, Ooumažvuõiggâdvuõttkõõskõs di Historia da õhttsažkää'ddmäätt u'čtee'li lett HYOL ry.

### **Lââ'ssteâd:**

ä'sštobddi Liisa Männistö (18.6.-13.7. di 6.-20.8.), te'l. 0295 150231  
spesiaalä'sštobddi Maria Wakeham-Hartonen (18.-28.6. di 9.-20.8.), te'l. 0295 150416  
saaggstõõlli ve'rğğneķ Heini Huotarinen (16.7.-3.8.), te'l. 0295 150127  
Vuõiggâdvuõttministeria ne'ttpää'staddrõõzz liâ ââ'bleķ etunimi.sukunimi@om.fi

Lââ'zz teâd Demokratiapä'lk'kõõzzâst vuõiggâdvuõttministeria ne'ttseeidain  
<https://oikeusministerio.fi/seuranta-ja-edistaminen1>